

اداره مخصوصه

درسعادته باب عالی جاده سنده

محل اداره :

مستطابق

اخطار :

سلکمه موافق آثار جديه مع المنوریه
قبول اولنور
درج ايله بن آثار اعاده اولنور

دين، فلسفه، علوم، حقوق، ادبياتدن و سياسياتدن وبالخاصه كرك سياسى و كرك اجتماعى و مدنى احوال و شئون اسلاميه دن
بحث ايدر و هفته ده بر دفعه نشر اولنور.

صاحب و مؤسسى :

ابوالعلا زين العابدين — ح. اشرف اديب

تاريخ تأسيسى

۱۰ تموز ۳۲۴

سنه لکى	التى آيلنى	غروش
۸۰	۴۰	»
۸۰	۴۰	»

ولاياتده

ممالك اجنبيه ده

درسعادته نسخه سى ۵۰ پاره در

قىرله دن مقوا بورو ايله كوندريلىر سه سنوى
۲۰ غروش فضله آلنير

درسعادته پوسته ايله كوندريلىر سه ولايات بدلى اخذ اولنور

عدد : ۵۱

۱۰ شعبان ۳۲۷ پنجشنبه ۱۳ اغستوس ۳۲۵

ايكنجى جلد

مقرر خلافت اولان بلدة طيبه به برق خاطف سرعته يتشهره ك عالمي كندولرینه حیران ایلمشلدن . قارشولرنده مقاومتی ضلال اولان معاندینی شمشیر جلادتلیله قهر و تدمیر و الحق دولت مؤسسری عد اولنه حق صورته اتخاذه بیرایتدیلر . (انما جزاء الذین یحاربون الله ورسوله ویسعون فی الارض فساداً) آیتنک تصویر ایلدیکی کریو ضلال سالکری ایسه (ان یقتلوا ویصلبوا او تقطع ایدیهم وارجلهم من خلاف او ینفوا من الارض) رعیدیلر جزای سزالیله و غرادلیدیلر . حرکت اردوسی نامنی آلان بوجع مجاهدینک ضلال رایات نجاتغایاننده ملک کندی انتخابیله ترجان آمالی اوله رق اجتماع ایدن اسباطین امتک کال حریتله و یردکری رایلرک مطابقتیله احوال موجوده حقنده حکم شرعی طلب اولنه رق وظیفه دارافتا اولان علمای اعلامک اتفاق آراسیله مشیخت اسلامیه نک اصدار ایلدیکی فتوای شرعی منطوقجه خاقان سابق خلعت سلطنتدن تجرید و حالاً اریکه برای خلافت اولان پادشاهمز سلطان محمدخان خامس حضرتلری خلقک طوعاً بیعتیله باجماع الامه کرسی خلافت و امامت مؤمنینه اجلاس اولندی . ایشته بونجه دورلر الحیات زمان ایله نسباً مذسیاً حکمنه کیرن بیعت مقبوله شرعیه یرینی بولدی . (الحمد لله الذی هدانا لهذا وما كنا لنهتدی لولا ان هدانا الله) دور سابقک مظالم و سیقتی نامحدود اولدینی قدرده هر کسه معلوم اولدیغندن انک زوالنه شکر ایله تفصیلندن ابا واستغنا اولنور .

دور جدید عنایت ربانیه ایله آچلمش محاسن د ریدر . چونکه ابتدای ارکان شرعدن بیوک بررکنی احیا ایلدی . بورحسن ابتدا و فال خیردر . برملکته حصول راحت و سعادت خلقک قوانین مملکته تمامی اطاعت و رعایتیله ممکن اولور . قوانین مذکوره سکنة مملکت اولان خلق بیننده حقوق و وظائف مساوات مطاقه ایله توزیعنی ضامن اولدیکجه اورعایتک و بناء علیه مطلوب اولان راحت و سعادتک حصونه امکان یوقدر . دولت علیه عثمانیه مزده قوانین عدلیه و اداریه شرع شریف کی بر اساس متین حکمنه استناد ایتدیکنندن رعبه بیننده مساوات مطلوبه شرعاً مضمون و مکفولدر . (لهم مالنا وعلیهم ماعلینا) یولنده کی اخبار صحیحه کتب دینده نور هدی کی لمعان ایتدیکجه اختلاف دین مانع مساوات اوله باز . نظر شرع مبینده دخی هر وظیفه بر حق مقابلنده در . وظیفه بی تحمیل ایله حقدن محروم ایتک ظلم محض اوله جفته و جناب حقک ظلمدن تنزیه ضروریات ایماندن بولندیغنه کوره شرع شریف الهینک ظالمانه برحکمی ناطق اولمسی متصورمیدر .

فخررسل افندیمنک اسلامک غیری ملتلدن حتی حکم اسلامه داخل اولمیانلردن نیجه کیسه لر مشمول دائرة استشاره و حروب و مغازیده کندیلرندن استعانه بیوردقلری واقع و کتب سیرده مذکوردر .

(ولتکن منکم امة یدعون الی الخیر ویأمرون بالمعروف وینهون عن المنکر) آیت کریمه سنک تصریح بلیغیله کزیدکان امت معرفتیله وجوب مراقبه ملیه کتاب مبینده منصوص و بومراقبک شرعاً ملک انتخابیله اولمسی مصالح ملتله البته اوفق و طوائف غیر مسلمه عناصردولتدن و اجزای ملتدن اولمق حسبیله آنرکده بومراقبه اشتراکری مملکت حقنده اولی و ارفق اولمغله

مجلس مبعوثانی مقتضای شرعک ال بیوک مثالی و مشروطیتی خلافت اسلامیه نک حقیق تمثالی عد و اعتبار ایتک لزومی ثابتدر . کافه رعایا بیننده توزیع حقوق و وظائفده شرط اهلیتله عدالت و مساوات کوزتمک حکومته عائد اولوب اهالی دخی رعایا و طنداشلریله حسن معاشرت ایتک و آنرک هر صورتله حقوقه رعایت ایلمک وظیفه سیله دیناً مکلفدرلر . قرآن کریم (ولتجدن اقرهم مودة) آیت بینه سیله خرسیتیانلرک مسلمینه مودتلیینه شاهد و صلحاسنک نجاتی ناطق و کتب فقهیه دینلرینک جانلرینک ماللرینک تعرضدن مصونیتنه دائر احکام صریحی محتوی ایکن کندیلرینه تعدی دنیاده ظلمه آخرتده نکال و عقوبته مؤدی اولور . (لقد کان لکم فی رسول الله اسوة حسنة) آتی مسلما نلری اتباع سنته و مکارم اخلاقی اتمام ایچون بعث بیورلمش اولان حضرت خاتم الانبیا افندمن (تخلقوا باخلاق الله) کلامیله اخلاق الهیه ایله تخلقه داعی اولوب جناب حقک عدل و احسان سبحانسی ایسه بلااستثنا عامه مخلوقاته شامل بولمغله اهل اسلامک و طنداشلری اولان ملل سائر به غلظت و خشونت ایله معامله و خصومت اظهار ایلملری رضای الهی و اوامر رسالتیهاییه علناً مخالف اولور که بو مخالفتی ارتکاب ایدلرده قرآن کریمده کی (انما جزاء الذین یحاربون الله ورسوله) آیت جلیله سنده وصف اولنان زمره خاسره به داخل اولورلر . بوزمره حقنده عقوبات اوکی متجاسر متجاوزلر حقنده اشد جزا ایله مجازات حکومتجه مقرر اولدیغندن حسن معاشرت لزومک برلسان مؤثرله عوام ناسه تفهیمی و ترویج مفسد تنکارانه ده بولنه حق اشرایه قابل ماملری ایچون خلقک لاینقطع ارشاد و تعلیمی تنبیه و توصیه اولنور .

شیخ الاسلام

کتبه الفقیر پیری زاده

محمد صاحب

عفی عنهما

مناقب سنیه

بسم الله الرحمن الرحيم

حضرت فخر الرسل صلی الله علیه وسلم افندمنک کالات علییه سی حد احصادن افزون و صفات و خصائص سنیه لری دائرة استقصادن بیروندر .

کالات و خصائص محمدیه بی وصف ایدنلر غایتی تصور ایدیلهمین برکک انجق بر مقدار قلیلنه واصل اوله بیلدیلر . و بونکچون حق توصیفدن عاجز قالدیلر . ناظم حضرتلری قصیده برئسندن ابیات آتیده ده بومعنای پک بلیغانه افاده ایتمشدر :

فان فضل رسول الله ليس له

حد فيعرب عنه ناطق بفم

دع مادعته النصارى في نبهم

وا حكم بما شئت مدحا فيه واحتكم

فبلغ العلم فيه انه بشر
وانه خير خلق الله كلهم
فاق النبيين في خلق وفي خلق
ولم يدانوه في علم ولا كرم

ذات رسالتیانه افندمزی که کتاب عزیزك آیات جلیله سی حیرت
افزای عقول اولان اوصاف و معالی ایله توصیف ایلمشدر ، آرتق
ممکن می در که زبان وخامه بشر آنک اوصاف و مناقب نبویه سنی بحق
وصف ایده بیلسون ؟ حبیب یزدانك حقیقت صفات و کالاتنی انحق
آنی احسان ایدن یزدان ذیشان بیلور .

بعضای عالم منامده شیخ عمر بن الفارض قدس سره حضرت تریخی
کوروب : « سرور کائنات علیه افضل التحیات افندمزی حضرت تریینك
حق رسالتیانه بلرنده نه ایچون مدحیه سویلمدك ؟ » دیه سؤال ایلمدکه
شو ایکی بیت ایله جواب ویرمش :

اری کل مدح فی النبی مقصراً
وان بالغ المثنی علیه واكثر
اذا کان ان الله اثنی بنفسه
علیه فما مقدار ماتمدح الوری

نظماً ترجمه سی :

هر نه کونا مدح ایلمسه حضرت فخر جهان
مدحتسده نیجه قاصدر در جمیع مادحان
اول مه حسنی خدا بالذات ایدنیجه مدح و وصف
هیچدر ارتق موقع رفتمده مدح خاکیان

ابو تمام ، بختری ، ابن رومی کبی فحول شعراء متقدمین مدح
جناب رسول اکرمه تصدی ایتدیلر ، چونکه مدح نوییده نه قدر
اطرا ایلمسه ینه حقیقته یتشیه میه جکئی بیلدیلر . فقط شعراء متأخرین
کنه صفات محمدیه و وصول نا قابل امکان اولدینی بیلدکری حالده
محضا حضرت فخر عالم افندمزه تعلق و انتساب ایچون نعت و ستایش
نبویسی بک بیوک بروسيله تقرب کورده رک مدح رسول مجتبیای متضمن
نیجه وادیلرده قصیده لر سویلدیلر .

بونک بریسی و نوعنک یکنه سی خیر الوری علیه افضل التحایا افندمزی
حضرت تریینك مناقب و مآثرینی ، اوصاف و شمائل سنیه سنی ، خصائص
و معجزاتی ، بدائع کالاتنی محتوی امام الشعراء ، اشعر العلماء ،
بلغ الفصحاء ، افصح الحكماء شیخ شرف الدین ابو عبدالله محمد بن
سعید البوصیری قدس سره حضرت تری طرفندن نظم اولنان مشهور
قصیده همزیه در که موضوعنک نفاستنه ترجمان اولان اسلوب مزین
و محتشمی ، معانیسنک علو و عظمتی ، عارفانه رموز و اشاراتی کبی
سلسله محاسن و معالیمی اعتباریله فصاحت و بلاغتمده حد اعجازه
تقرب ایتشدر . سخن شناسان افضل امت بو اثر دلنشین مبارکک
مفتون محاسن و معالیمی اوله رق مطالعه سنه بر غرام عاشقانه ایله

صارلدینی کبی : نیجه علماء اعلامده کاه حل عباراتی ، کاه ایضاح
غوامض و مشکلاتی ایچون اوزرینه شرحلر یازمشدر . بو عبداحقر
دخی حضرت نبی محترم صلی الله علیه وسلم افندمزه ناچیزانه بروسيله
تقرب اوله بیلسون نیاز یله قصیده یی ترجمه یی شرح صورتیله ترجمه
ایتدم . و شویولده حصوله کلن اثره [المناقب السنیه علی متن الهمزیه]
اسمنی انتخاب ایلدم .

افهام معنی ممکن اولان یرلرده ابیات اولاعیناً ترجمه یی نقل اولنوب
صکره محصول و مؤدالری توسیعاً شرح و ایضاح ایلدی . بعض
ابیات وار که انلر ترجمه یی عیناً نقل ایلمسه شیوه و استعماللر حسبیه
افهام معنی قابل دکل ، بنوع یتلرده چارونا چار طوغریدن طوغرییه
محصول و مؤدالریله لسانمزه ترجمه ایدلمک صورتنه مراجعت اولندی .
ناظم حضرت تریینه قارشو بعض مواضعده کرب و قائمک نقلیجه ، کرب
ترتیب و قانع خصوصنده ، کرب عبارده و ترکیلرک عدم صحی نقطه سندن
ایراد اولنان اعتراضلرک دقت اولنورسه ایضاحات و تقریرات واقعه ایله
ساقط و مندفع اولدینی نمایان اولور . ابیاتک اعراب و لغاتی ده آیر نیجه
کوسترلشدر . لزوم کورندکجه منظومه نك اجمالاً ایما و اشارت ایلدیکی
قصه لر بر تفصیل سر دایدلدی ، صره سی دوشدکجه مال ابیات مستشهدات
ایرادیله تقویه ده اولندی .

ناظم حضرت تری بوقصیده سنی [ام القری فی مدح خیر الوری]
اسمیه توسیم ایتشدر . ام القری نك حاکی اولدینی مناقبک نفاستی
و طرز افادسنگ نجابتی اره سنده بالخاصه حافظه یی لفظاً و معنأً تزین
ایدر اقتباسلر و ارسال مثللر بر برق نور افشان کبی اره صره التماع
ایلدیکندن عالم حسن و زیننده قصیده نك قدر و شانی برقات ده اعتلا
ایلمشدر . هر نظر و اعتبار ایله نفیس اولوب نقشند حافظه متعلمین
اولسی ذوق بلاغتمده درجه و جوبده بولنان بو اثر مبارک سائر آثار
نفیسه اره سنده بالخاصه تدریس اولنمغه جهت جهت شایسته در .

قصیده بحر خفیفنددر . و ابیاتی ایکی کره فاعلاتن ، مستفعلن
فاعلاتن دن عبارت اوله رق الی جزؤدن مرکبدر . بو جزءلره بعضاً
[خبن] و [کف] عاتلریله علی الا کثر [تشعیث] عاتلری طاری اولمشدر .
خانک فتحی و بابک سکونیه « خبن » : اصطلاح عروضده ایلمک سبب
خفیفک ایکنیجی حرفی اسقاط ایلمکدر ، مثلاً فاعلاتن جزئندن الی
و مستفعلن جزئندن سینی اسقاط ایتک کبی که بعدالاسقاط ثانک ضمیمه
فاعلاتن قالور . فقط متحرک اوزرینه وقف اولنمدیغندن بحر خفیفک
التنجی جزئندن یدنجی حرفی اسقاط ایدلمز .

تفعیل وزنده « تشعیث » : یالکز فاعلاتن جزئنده و تد مجموعک
برنجی متحرک سینی اسقاط ایلمکدر که بعدالاسقاط فالاتن قالور و بعده
مفعولان جزئنه نقل اولنور .

ناظم قدس سره حضرت تری کتاب عزیزه اقتداء و حدیث مشهور
که [کل امر ذی بال] لا یبدأ فیہ بسم الله الرحمن الرحیم فهو اجدم [

[۱] بال : حال و شان معناسه در .

خرستیانلق و مسلمانلق

ان فی ذلك لذكری لمن كان له قلب او القى السمع وهو شهید.

جناب حق انسانی صنایع بر عالم، صنایع بر مخلوق اوله رقی را تمش، اوکا نفسی ایچون نصل چالیشه جفنی، ایجاده، اختراعه، نصل یول بوله جفنی کوسترمش، رزقی انک امکنه باغلی اوله رقی تقدیر ایتمش، دها دوغریسی انسانی کندی موجودیتنک رکنی کندی بقاسنک مداری قیامشدر.

بو حیثیتله انسان طاراق یاخود بوللق، صیقتی یاخود رفاه، وحشت یاخورد مدنیت کبی حالاتک عمومینی شامل اولدینی حالده کندی اعمالنک اثر صنعی در.

طوپراغی سورهرک بیهجک تدارک ایتسی، وحشی حیوانلری تربیه ایدرک خدمتنده قوللانسی، صوغوقدن، صیجاقدن، طاشدن، دیکندن صرتی، ایاغنی محافظه ایچون لباس، پابوج باقمسی، کبجه لری آلتنده بارینه جق بریر حاضر لامسی، انجق انسانک کندی تقدیرینک، کندی تفکیرینک مظاهریدر، بشقه سی دکلدرد. کذلک ناز و نعیمه، دبدبه و احتشامه عائد شیلرده انسانک بوقدر تفنن ایتسی ده ینه کندی اعمالنک صور کونا کونی، کندی افکارینک تجلیات نامحدودیدر.

انسان ولو بر آن ایچون چالشمقدن فارغ اولسه ده الی طبیعتیه آچهرق بر نفسلک حیات ایسته مش اولسه شبهه یوقدرکه طبیعت کنیدیسنه ایستدیکنی ویرمز. حتی اونی عدم اوچورملرینه سوق ایدر. انسان صنعنده و اختراعنده کنیدیسنی ارشاد ایده جک بر مرشده، راستاده محتاجدر. لوازم معیشتی، اسباب حیاتی چوغالتمق ایچون چالشدینی کبی نصل چالشه جفنی بیلیمک، چالشه بیلیمک ایچون ده اوله جه چالشیر. او حالده صنعی ده کندی محصول صنعی اولمش اولور. دیمک انسان شئون حیاتیسنک کافه سنده طبیعت کلیه دن آیری ایش کبی باشلی باشنه بر عالمدر، بر عالم صنایع درکه طبیعت اولان احتیاجی ایشجینک آله اولان احتیاجی کیدر.

انسانک برده ادراک، تعقل، اخلاق، ملکات روحیه، انفعالات روحیه کبی احوال باطنه سنه باقه جق اولورسوق اونی ینه صنایع بر عالم بولورز: شجاعتی، جباتی، تلاشی، متاتی، بخلی، کرمی، علوقی، ذلتی، حلمی، شدتی، حرصی، عفتی، بونلره بکزر بشون کالاتی، بوتون نقائصی آلمش اولدینی ایلک تربیه ایله یتشدیکی محیطده کی انسانلرک احوالندن کندوسنده قالان تأثراته تابعدر. غایه آمالی، طرز تفکری، تمایلی، اسرار الیه بی اکلامغه اشتیاقی، یاخود طبیعتنک آرقه سندن قوشمسی، هرشیئتک حقیقتنه نفوذ ایتیه هوس ایتسی، یاخود دائماً سطحیات ایله اکتفا ایلیمسی کبی بتون حرکات فکریه کنیدیسنده و قبله باباسندن، آناسندن، قومندن، قبیله سندن الحاصل تماسده بولتمش اولدینی انسانلردن قالمه بر طاقم ودیعه لر در.

لکن طوغدینی، یتشدیکی یرک هواسی، مزاجک نوعی، دماغک

[۲] قول نبویسیدر. ومعنای شریفی ده: هر امر مهم که رحمن رحیم اولان اللهک اسمیه باشلانیه، خیر و برکتدن خالیدر دیمکدر، اکامثالاً قصیده سنه بسمله ایله باشلایه رقی [بسم الله الرحمن الرحیم] دیمش وشعره بسمله ایله باشلاناز سوزینه التفات ایتماشدر. چونکه اوسوز شایان بحث اولقی ایله برابر افضل علوم و معلوماتی مشتمل بولسان بو مثللو قصائد حتمند دکلدرد. بوکبی بر قصیده بسمله یه بر جوق تصا. نیفدن دها جدیر و سزادر. قصیده نک شراخیدن [بدر الصاوی] دیورکه شعره بسمله ایله باشلامق جائز دکلدرد، دیانلرک سوزی نابجا مدح و قدح لری متضمن بولنان اشعاره محمولدر و جناب حقک والشعراء یتبعهم الفاوون» قول کریمی ایله مراد بوکبی شعرلر انشاد ایدنلردر. اما بو قصیده غراء جناب رسالتناب افندمنک «ان من الشعر لحکماء» ستایش جلیله مظهر اولان اشعاردندر. انتهى.

بسمله ایله باشلا، بونعت رسول اللهدر
ذکر اوصاف معالی حبیب اللهدر
ناظم افخم بوصیری شرح سیرت ایلمش
بر عجب صورته اثبات نبوت ایلمش
مندرج بونظم انفسده کالات بنی
عارفانه نیجه اسرار و اشارات خفی
سانحای ناظمک پک دلنشین و محتشم
ایلمش تأییدانی روح رسول محترم
نفسه سنده بوی فیض احمد مختار وار
لمحه سنده نار عشق سرور ابرار وار
ماحصل اول نظم که موضوعی رسول اللهدر
شبهه سز شایسته عنوان بسم اللهدر.

برکت زاده اسماعیل حق

کَيْفَ تَرْقِي رُؤْيَاكَ الْاَنْبِيَاءُ
يَا سَمَاءَ مَا طَاوَلَتْهَا سَمَاءُ

ای آسمان عز و علا! انباء سنک ترقی ایتدیکک کبی نصل ترقی ایده بیلورلرکه او آسمان معنویلردن هیچ بری سنک درجه و منزلتکه واصل اولماشدر. یا حبیب الله سنک درجه و منزلتک، مجد و شرفک عندالله پک بلند و عالی در. ذات رسالتنابک لیله اسراده مسجد حرامدن مسجد اقصایه قدرطی مسافه ایدوب بورادن سماوات علایه، اندن سدره منتهایه، اورادن مستوایه، دها اوتنه عرش و رفرفه خلاصه حیث ماشاء الله قدر عروج ایتدک و هر صفت کالیدن اکملنه انتقال ایده ایده تا ادراک بشرک احاطه ایده میه جکی درجات اعلی العالیه واصل ایلدک انباء عظام و رسل فخام سنک درجه سامیه کالکه نه ممکن ترقی ایده بیلسونلر.

مابعدی وار برکت زاده: اسماعیل حق